

Broj: 117-287/26
Sarajevo, 31-03-2026

Na osnovu člana 64. stav 1) tačka b, člana 70. st. 1), 3) i 6) Zakona o javnim nabavkama („Službeni glasnik BiH“, broj 39/14, 59/22 i 50/24), a na Preporuku Komisije za javnu nabavku broj: 11-17-341/26 od 30.03.2026. godine, u postupku javne nabavke putem otvorenog postupka – nabavka programskih paketa za informacijsku tehnologiju za potrebe Javne ustanove Federalna novinska agencija (LOT 2 - Antivirus/Endpoint Security rješenje), direktor na usaglašen stav sa zamjenikom direktora, d o n o s i

O D L U K U

o izboru najpovoljnije ponude putem otvorenog postupka – nabavka programskih paketa za informacijsku tehnologiju LOT 2 - Antivirus/Endpoint Security rješenje

Član 1.

Prihvata se preporuka Komisije za javne nabavke, broj: 11-17-341/26 od 30.03.2026. godine te se za Ugovor za nabavku programskih paketa za informacijsku tehnologiju odnosno za LOT 2 - Antivirus/Endpoint Security rješenje, dodjeljuje ponuđaču IMEL D.O.O. LUKAVAC, ID broj: 4209310270009, za ponudenu cijenu od 1.499,00 KM bez PDV-a.

Član 2.

Prijedlog ugovora o nabavci bit će dostavljen na potpis izabranom ponuđaču po isteku roka od 15 dana, računajući od dana kada su svi ponuđači obaviješteni o izboru najpovoljnije ponude, u skladu sa članom 98. Zakona o javnim nabavkama.

Član 3.

Za izvršenje ove odluke zadužuje se i ovlašćuje Odjel za razvoj, opće, pravne i finansijske poslove.

Član 4.

Ova Odluka uputit će se ponuđačima koji su učestvovali u postupku javne nabavke, u skladu s članom 70. stav 6) Zakona o javnim nabavkama i članom 71. stav 2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 11-17-201/26 od 06.03.2026. godine.

Javna nabavka je sprovedena putem otvorenog postupka.

Obavještenje o nabavci broj: 14753-1-2-56-3-13/26, objavljeno dana 06.03.2026. godine na portalu javnih nabavki dok je sažetak obavještenja o nabavci objavljen u Službenom glasniku BiH broj: 20/26 od 13.03.2026. godine.

Ukupna procijenjena vrijednost javne nabavke za oba LOTA bez PDV-a je 16.922,62 KM.

Procijenjena vrijednost nabavke za LOT 2 - Antivirus/Endpoint Security rješenje je 3.000,00 KM bez PDV-a

Komisija za javnu nabavku imenovana je Rješenjem broj: 11-17-263/26 od 06.03.2026. godine.

Komisija za javnu nabavku dostavila je Zapisnik o otvaranju ponuda broj: 11-17-258/26 od 26.03.2026. godine, Zapisnik o pregledu i ocjeni ponuda broj: 11-17-279/26 od 30.03.2026. godine, Izvještaj o radu broj: 11-17-342/26 od 30.03.2026. godine i Preporuku za donošenje Odluka o izboru najpovoljnijeg ponuđača u postupku javne nabavke, broj: 11-17-341/26 od 30.03.2026. godine.

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće za LOT 2 - **Antivirus/Endpoint Security rješenje**:

- da je ukupan broj pristiglih ponuda - 3;
- da su blagovremeno zaprimljene ponude - 3;
- da su neblagovremeno zaprimljene ponude - 0;
- da su 2 ponude prihvatljive;
- da je 1 ponuda neprihvatljiva/nepravilna.

Prilikom pregleda i ocjene ponude, Komisija je konstatovala da ponude ponuđača **IMEL D.O.O. LUKAVAC i SCE D.O.O. SARAJEVO** ispunjavaju sve zahtjeve postavljene tenderskom dokumentacijom te da su isti dostavili sve tražene dokumente. Za ponuđača **FIXIT D.O.O.** je tokom pregleda i ocjene ponuda, prije zakazivanja e-aukcije, u obrascu za cijenu ponude (Aneks II) **uočena** računska greška. Naime, navedena je jedinična cijena od 42,86 KM, dok je ukupan iznos 3.000,00 KM. Množenjem jedinične cijene sa količinom od 70 licenci dobija se iznos od 3.000,20 KM.

Na osnovu navedenih uočenih grešaka, od ponuđača **FIXIT D.O.O. SARAJEVO** je zatražena saglasnost za ispravku računskih grešaka na što je ponuđač **FIXIT d.o.o.** pristao. Nadalje, nakon ispravljenih cijena, utvrđena cijena ponuđača **FIXIT D.O.O. SARAJEVO** za LOT 2 od 3.000,20 KM prelazi procijenjenu vrijednosti javne nabavke ugovornog organa od 3.000,00 KM bez PDV-a zbog čega je takva ponuda u skladu sa Zakonom o javnim nabavkama neprihvatljiva te nije uzeta u razmatranje prilikom zakazivanje e-aukcije.

S obzirom na navedeno za dan 30.03.2026. godine u 11:00 sati zakazana je e-aukcija sa dva ponuđača **IMEL D.O.O. LUKAVAC i SCE D.O.O. SARAJEVO**.

RANGIRANJE NAKON PROVEDENE E –AUKCIJE:

1. **IMEL D.O.O. LUKAVAC** – konačna cijena bez PDV-a 1.499,00 KM (umanjenje cijene 50,03%)
2. **SCE D.O.O.** – konačna cijena bez PDV-a 1.510,00 KM (umanjenje cijene 49,66%)

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda.

U postupku ocjene provedenog postupka, nisu nađeni razlozi, nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i internim aktima. Uvidom u priloženu dokumentaciju, nesporno je da je izabrani ponuđač **IMEL D.O.O. LUKAVAC** najbolje ocijenjen zbog kriterija: „najniže cijene“ utvrđenog u Obavještenju o nabavci i Tenderskoj dokumentaciji i nakon provedene E-aukcije.

Iz navedenih razloga, primjenom člana 64. stav 1) tačka b. Zakona o javnim nabavkama, te u skladu s internim aktima odlučeno je kao u članu 1. ove odluke.

POUKA O PRAVNOM LIJEKU:

Protiv ove odluke može se izjaviti žalba ugovornom organu (Javna ustanova Federalna novinska agencija) u skladu s članom 101. stav 1. tačka d) Zakona o javnim nabavkama BiH, najkasnije u roku od 10 (deset) dana od dana prijema ove Odluke.

M.P.

Potpis odgovornog lica

DIREKTOR

Dostaviti:

- Ponuđačima - 3x,
- a/a - 1x.